

ARUBA A SOBRESALI DURANTE "THE HOUSTON INTERNATIONAL FESTIVAL"...

Fotos y Texto : Poets.

DEN AMBIENTE


** Aruba mester ta sumamente orguyoso di D2U 365, Divi Divi Carnaval Dancers y Popcorndancers, kendenan a sa di representa Aruba den un forma increible na Houston, Texas, durante e mahestouso "The Houston International Festival". Durante e festival aki, nan mester a duna mas cu 14 presentacion, den un forma non stop di intercambio di escenario. Tur caminda cu nan a presenta, nan a sa di hasi un impacto grandi riba e publico, kendenan tabata responde cu gritonan di aplauso. Tabata un honor pa e integrantes di D2U 365 por a duna un workshop riba nan instrumentonan na un prestigioso Universidad di Musica, mientras cu Divi Divi Carnaval Dancers cu nan bunita trahenan carnavalesco a duna show na dos school di mucha. Popcorndancers a acapara hopi atencion y por a compronde cu nan a ser aserca pa dos personahe potencial, kendenan ta hopi interesa pa contrata e grupo aki. D2U 365 tambe a ser aserca pa bolbe Houston pa e gran parada di "The Houston Carnival", cual lo ta fin di e luna di september proximo. Sin duda cu Aruba su participacion durante "The Houston International Festival" a laga un bunita impresion di nos dushi pais ARUBA..



** E jovennan di POPCORNDANCERS a expone Aruba su baile di folklor den un forma formidable..



** DIVI DIVI CARNAVAL DANCERS a pone henter Houston, Texas, briya cu nan precioso trahenan carnavalesco..



** D2U 365 Brassband tabata e atraccion principal durante "The Houston International Festival". Esaki tabata di cuater aña consecutivo cu D2U 365 ta score unda cu nan bay na Estados Unidos..



** Aki por aprecia Popcorndancers promoviendo Aruba su baile di folklor dilanti un publico grandi..



** Divi Divi Carnaval Dancers durante nan presentacion na un school di mucha, kendenan a keda sumamente encanta cu e bunita gesto di Divi Divi Carnaval Dancers..



** Unda cu D2U 365 a presenta, e publico tabata na grandi presente..